

## **O PEPA O FAAMATALAGA**

### **Feiloaiga a le Komesina o Sulufaiga ma le Minisita o le Matagaluega o Aiga ma Agafesootai**

**Apia Samoa 17 Aukuso 2026.**

Na feloa'i atu le Komesina o Sulufaiga, Afioga Vui Clarence Nelson, i le afioga i le Minisita o le Matagaluega o Aiga ma Agafesootai ma le Pulega o Atina'e a Itumalo, le afioga Hon. Moefa'auouo Julius Ah Kui Tafuna'i.

Na fa'ailoa e le afioga Nelson, lona naunauta'iga e lalago matafaioi ma galuega a le Minisita aemaise le Matagaluega, aemaise lava galuega e fa'atatau i Aiā Tatau a tamaiti, mataupu tau Aiā Tatau Itupā, ma Sauaga i totonu o aiga. Na faatalanoaina ai foi tulaga o le alia'e mai o faiga-fa'amata'u faasaga i tagata lautele, ma le faatauaina o le malu puipua o tamaiti mai i sauaga i luga o le initaneti ma lomiga/ata e afaina ai fanau.

Na momoli ai fo'i le fa'amālō a le afioga i le Minisita i le Komesina o Sulufaiga i lona tulai mai ai i le tofi ma faailoa ai ua lava saunia le Matagaluega e galulue faatasi ma le Ofisa o Sulufaiga mo le faalauiloa ma le unaia o Aiā Tatau a tagata. Na faailoa foi e le Afioga i le Minisita tulaga ua iai le galuega fa'aauau a lona Ofisa ma le Matagaluega o Fa'amasinoga ma le Pulega o Fa'amasinoga (MJCA), e tali atu ai le fa'afitauli o fuala'au fa'asāina.

Ma ua iai le faamoemoe mo le tuufatasia o se faatalatalanoaga a le Pulega o le Matagaluega o Aiga ma Agafesootai ma le Ofisa o Sulufaiga, mo ni polokalama e avanoa ma galulue faatasi ai Ofisa e lua i le agai atu i le lumana'i.

-----MAE'A-----